

## **К ОПУБЛИКОВАНИЮ**

# **КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ**

### **Коми Республикаса ВеськӖдлан котырлӖн ӧткымын шуӧмӧ вежсьӧмъяс пыртӧм йылысь**

Коми Республикаса ВеськӖдлан котыр шуис:

1. Пыртны Коми Республикаса ВеськӖдлан котырлӖн ӧткымын шуӧмӧ вежсьӧмъяс содтӧд серти (водзӧ – Вежсьӧмъяс).

2. Тайӧ шуӧмыс вынсялӧ сійӧс официальнойӧ йӧзӧдӧмсянь дас лун кольӧм мысти, тайӧ пунктӧн урчитӧм положениеяс кындзи.

Вежсьӧмъяслӧн 1 пунктын 4 пунктвса положениеяс вынсялӧны тайӧ шуӧмсӧ официальнойӧ йӧзӧдӧмсянь дас лун кольӧм мысти да паськалӧны 2020 вося тӧвшӧр тӧлысь 1 лунсянь артмӧм инӧда йитӧдъяс вылӧ.

Вежсьӧмъяслӧн 2 пунктса положениеяс вынсялӧны 2021 вося тӧвшӧр тӧлысь 1 лунсянь.

3. Гражданалы, кодъяслы тайӧ шуӧм вынсявтӧдз индӧма быдтӧлысса сьӧм мынтӧмсӧ Семьяяслы, кӧнӧ 2012 вося ӧшым тӧлысь 31 лун бӧрын чужӧма коймӧд кага да сы бӧрын водзӧ лысь челядь, кагалы куим арӧс тыртӧдз быдтӧлысса сьӧм мынтӧм индан да мынтан пӧрадок серти, мый вынсьӧдӧма «Коми Республикаын челядя семьяяслы канмусянь гарантияяс йылысь» Коми Республикаса Оланпас збыльмӧдан мераяс йылысь» Коми Республикаса ВеськӖдлан котырлӖн 2004 во ӧшым тӧлысь 31 лунся 282 №-а шуӧмӧн (6 №-а содтӧд) (тайӧ шуӧмӧн урчитӧм вежсьӧмъяссӧ тӧд вылӧ босьттӧг), индӧм быдтӧлысса сьӧм мынтӧмсӧ сетӧны кадколаст помасьтӧдз, мый дыра кежлӧ сійӧс индӧма, содтӧд документъяс сеттӧг.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса удж, уджӧн могмӧдан да

социальнӧя доръян министр

И. Семяшкин

Сыктывкар

2020 вося косму тӧлысь 6 лун

154 №

Коми Республикаса Веськӧдлан котырлӧн  
2020 во косму тӧлысь 6 лунся 154 №-а шуӧм дорӧ  
СОДТӐД

Коми Республикаса Веськӧдлан котырлӧн ӧткымын шуӧмӧ пыртӧм

**ВЕЖСЬӐМЪЯС**

1. «Коми Республикаын челядя семьяслы канмусянь гарантияяс йылысь» Коми Республикаса Оланпас збыльмӧдан мераяс йылысь» Коми Республикаса Веськӧдлан котырлӧн 2004 во ӧшым тӧлысь 31 лунся 282 №-а шуӧмын:

1) 1<sup>1</sup> пунктса 2 пунктув гижны тадзи:

«2) Россия Федерацияса удж да социальнӧя дорьян министерствоӧ (водзӧ – Россияса удж министерство) Правилӧяслӧн 16 пунктын индӧм заявкасӧ Россияса удж министерствоӧн урчитӧм форма серти да кадколастӧ сетӧм.»;

2) Быд кага вылӧ, кодӧ чужӧма, кодӧс босьтӧма пи (ныв) пыдди, босьтӧма тӧрасьӧм (тӧждысьӧм) улӧ, пособие индан да мынтан пӧрадокын, мый вынсьӧдӧма шуӧмӧн (4 №-а содтӧд):

а) 2 пунктса медводдза абзацын «оланӧн либӧ овланӧн серти олысьясӧс социальнӧя дорьян юкӧнын канму услугаяс сетан шӧринӧ (водзӧ – канму услугаяс сетан шӧрин) либӧ канму да муниципальной услугаяс сетан уна мога шӧринӧ (водзӧ – УМШ)» кывъяс вежны «оланӧн либӧ овланӧн серти олысьясӧс социальнӧя дорьян юкӧнын канму услугаяс сетан шӧринӧ (водзӧ – канму услугаяс сетан шӧрин) либӧ Коми Республика мутасын меститчӧм канму да муниципальной услугаяс сетан уна мога шӧринӧ (водзӧ – УМШ)» кывъясӧн;

б) 3 пунктса 2<sup>1</sup> пунктув гижны тадзи:

«2<sup>1</sup>) тӧдмӧгъяс, мый эскӧдӧны торья (персонифицируйтӧм) учёт нуӧдан системаын пасйӧмсӧ;»;

3) Мамъяслы, кодъяс быдтӧмаӧсь 7 да унджык челядьӧс да кодъяс босьтӧны социальнӧй пенсия кык мындаысь этшаджык мындаын, мый индӧма

«Россия Федерацияын канмусянь пенсияөн могмөдөм йылысь» Федеральнөй оланпаслөн 18 статьяын 1 пунктса 1 пунктулын, пенсия, быдтöлысса социальнөй мынтöм индан да сетан пöрадокын, мый вынсьöдöма шуöмөн (5 №-а содтöд):

а) 2 пунктса медводдза абзацын «оланін либö овланін серти олысьясöс социальнөя дорьян юкөннын канму услугаяс сетан шöринö (водзö – канму услугаяс сетан шöрин) либö канму да муниципальнөй услугаяс сетан уна мога шöринö (водзö – УМШ)» кывьяс вежны «оланін либö овланін серти олысьясöс социальнөя дорьян юкөннын канму услугаяс сетан шöринö (водзö – канму услугаяс сетан шöрин) либö Коми Республика мутасын меститчöм канму да муниципальнөй услугаяс сетан уна мога шöринö (водзö – УМШ)» кывьясөн;

б) 3 пунктса 3 пунктс гижны тадзи:

«3) тöдмөгьяс, мый эскöдöны торья (персонифицируйтöм) учёт нуöдан системаын пасйöмсö;»;

2) Семьяяслы, кöні 2012 вося öшым тöлысь 31 лун бöрын чужöма коймöд кага да (либö) сы бöрын водзö лось челядь, кагалы куим арöс тыртöдз быдтöлысса сьöм мынтöм индан да мынтан пöрадоксö, мый вынсьöдöма шуöмөн (6 №-а содтöд), гижны тайö вежсьöмьяс дорö содтöд серти.

2. «Коми Республикаын челядя семьяяслы канмусянь гарантияяс йылысь» Коми Республикаса Оланпас збыльмöдан мераяс йылысь» Коми Республикаса Велькöдлан котырлөн 2004 во öшым тöлысь 31 лунся 282 №-а шуöмö вежсьöмьяс пыртöм йылысь» Коми Республикаса Велькöдлан котырлөн 2019 во моз тöлысь 12 лунся 374 №-а шуöмын:

1) шуöм дорö содтöдын:

2 пункт гижны тадзи:

«2. Семьяяслы, кöні 2012 вося öшым тöлысь 31 лун бöрын чужöма коймöд кага да (либö) сы бöрын водзö лось челядь, кагалы куим арöс тыртöдз быдтöлысса сьöм мынтöм индан да мынтан пöрадоксö, мый вынсьöдöма шуöмөн (6 №-а содтöд):

1) 3 пунктса 2 да 3 пунктсывьяс гижны тадзи:

«2) документ, кутшөмөс сетөма суйөрсайса канмулөн компетентнөй органөн, да роч кывйө сылысь нотариальнөя эскөдөм вуджөдөм, мый эскөдө кага чужөмсө да сийөс пасйөмсө, кодлөн чужөмкөд йитөдын артмөма быдтөлысса сьөм мынтөмсө босьтөм вылө инөд, кутшөм эскөдө, мый кагаыс лөб Россия Федерацияса гражданинөн, - сэк, кор кагаыс чужөма суйөрсайса канмулөн мутасын;

3) водзынджык чужөм кага (челядь) чужөм йылысь тайө пунктса 2 пунктулын индөм документ. Сэк, кор водзынджык чужөм кагаыс (челядьыс) кувсьөма (кувсьөмаөсь) суйөрсайса канмулөн мутасын, содтөд сетөны кувсьөм йылысь эскөдангижөд, кутшөмөс сетөма суйөрсайса канмулөн компетентнөй органөн, да роч кывйө сылысь нотариальнөя эскөдөм вуджөдөм;»;

2) 4 пунктын:

а) 5 пунктулын «(челядь серти).» кывьяс вежны «(челядь серти);» кывьясөн;

б) содтыны татшөм сюрөса 6 да 7 пунктувьяс:

«6) кага (челядь) чужөм йылысь эскөдангижөд;

7) водзынджык чужөм кагалөн (челядьлөн) кувсьөм йылысь эскөдангижөд.»;

3) 5 пунктса мөд абзацлөн мөд сёрникузяын «4 пунктса 1 пунктулын индөм» кывьяс вежны «4 пунктса 1, 6 да 7 пунктувьясын индөм» кывьясөн.

Коми Республикаса Веськӧдлан котырлӧн  
 ӧткымын шуӧмӧ пыртӧм вежсьӧмъяс дорӧ  
 СОДТӐД

«ВЫНСЬӐДӐМА

Коми Республикаса Веськӧдлан котырлӧн  
 2004 во ӧшым тӧлысь 31 лунся 282 №-а шуӧмӧн  
 (6 №-а содтӧд)

Семьяслы, кӧні 2012 вося ӧшым тӧлысь 31 лун бӧрын чужӧма  
 коймӧд кага да (либӧ) сы бӧрын водзӧ лысь челядь, кагалы  
 куим арӧс тыртӧдз быдтӧлысьясь сьӧм мынтӧм индан да мынтан

## ПӐРАДОК

### I. Панас

1. Тайӧ Пӧрадокыс, кутшӧмӧс дасьтӧма «Коми Республикаын челядя  
 семьяслы канмусянь гарантияс йылысь» Коми Республикаса Оланпас  
 збыльмӧдӧм могысь, ладмӧдӧ семьяслы кӧні 2012 вося ӧшым тӧлысь 31 лун  
 бӧрын чужӧма коймӧд кага либӧ сы бӧрын водзӧ лысь челядь, кагалы куим  
 арӧс тыртӧдз быдтӧлысьясь сьӧм мынтӧм индан да мынтан юалӧмъяссӧ (водзӧ –  
 быдтӧлысьясь сьӧм мынтӧм).

2. Быдтӧлысьясь сьӧм мынтӧмсӧ сетӧны семьясын, кӧні ӧти морт вылӧ  
 шӧркодь чӧжӧсыс, мый оз вевтырт уджавны вермысь йӧзлӧн овны судзяна  
 сьӧмлысь кык пӧвста ыдждасӧ, кутшӧмӧс урчитӧма Коми Республикаын  
 быдтӧлысьясь сьӧм мынтӧмсӧ индӧмла шыӧдчан во водзын мунысь волӧн II  
 кварталысь, кагалӧн (аслас, пи (ныв) пыдди босьтӧм), кодлӧн чужӧмкӧд  
 йитӧдын артмӧма быдтӧлысьясь сьӧм мынтӧм вылӧ инӧд, бать-мам пиысь  
 ӧтилы, кодӧ олӧ ськӧд ӧтлаын (водзӧ – бать-мам пиысь ӧти).

Быдтӧлысьясь сьӧм мынтӧмсӧ индӧны бать-мам пиысь ӧтилы сӧк, кор  
 сылӧн да кагалӧн, кодлӧн чужӧмкӧд йитӧдын артмӧма быдтӧлысьясь сьӧм  
 мынтӧм вылӧ инӧд, эм Россия Федерацияса гражданство.

3. Быдтöлысса сьöм мынтöмсö индöм могысь бать-мам пиысь öти (водзö – шыödчысь) либö морт, кодi лоö Россия Федерацияса оланпастэчас серти сийöс петкöдлысьöн, сетö Коми Республикаса канму сьöмкуд учреждениеö – оланiн либö овланiн серти олысьясöс социальнöя дорьян юкöнын канму услугаяс сетан шöринö (водзö – шöрин) либö канму да муниципальнöй услугаяс сетан уна мога шöринö заявление (водзö – УМШ), кодi меститчöма Коми Республика мутасын, сийöс ваянногсö индöмөн (финансово-кредитнöй учреждениеын лицевöй тшöт вылö, пошта пыр ыстöмөн сэк, кор оланiн либö овланiн серти финансово-кредитнöй учреждениеясыс либö федеральнöй пошта связь организациясыс абуöсь, - шöринлөн касса пыр) (водзö – заявление), а сiдзжö татшöм документьяс:

1) мортöс, Россия Федерацияса гражданствосö эскöдысь документьяс, а сэк, кор шыödчысь нимсянь уджалö морт, кодi лоö Россия Федерацияса оланпастэчас серти сийöс петкöдлысьöн, содтöд сетöны петкöдлысьöс эскöдысь документ да лöсялана уджмогьяссö эскöдысь документ;

2) кага чужöм (пи (ныв) пыдди босьтöм) йылысь эскöдангижöд, а сэк, кор кагаыс чужöма суйöрсайса канму мутасын – мöд документ, мый эскöдö кагалысь чужöмсö да сийöс пасйöмсö, кодлөн чужöмкöд йитöдын артмöма быдтöлысса сьöм мынтöмсö босьтöм вылö инöд, мый эскöдö кагалысь Россия Федерацияса гражданствосö;

3) воддза кагалөн (челядльöн) чужöм (сийöс (найöс) пи (ныв) пыдди босьтöм) йылысь тайö пунктса 2 пунктулын индöм документьяс. Сэк, кор воддза кагаыс (челядыс) кувсьöма (кувсьöмаöсь), сетöны кувсьöм йылысь эскöдангижöд;

4) шыödчысьлөн да семьяö став пырысьлөн чöжöс йылысь справкаяс (тöдмөгьяс), кутшöмьясöс босьтöны тöд вылö семьялысь öти морт вылö шöркодь чöжöссö арталiгөн, кутшöм сетö быдтöлысса сьöм мынтöмсö босьтöм вылö инöд (сэк, кор канму органьяслөн веськöдлöм улын найö абуöсь);

5) удж небöг (уджавтöм гражданы);

6) документ (тöдмөгьяс), мый эскöдö шыödчысьлысь да сыкöд öтлаын олысь кагалысь Коми Республика мутасын оланiнсö (овланiнсö), кодлөн

чужомкӧд йитӧдын артмӧма быдтӧлысса сьӧм мынтӧм вылӧ инӧд (сэж, кор канму органъяслӧн либӧ меставывса асвеськӧдлан органъяслӧн веськӧдлӧм улын найӧ абуӧсь либӧ сэж, кор шыӧдчысьӧс эскӧдысь документын абу заявлениеын индӧм оланін серти пасйӧм йылысь пасыс);

7) воддза кагаӧс (челядьӧс) пи (ныв) пыдди босьтӧмсӧ (пи (ныв) пыдди босьтӧм йылысь эскӧдӧмсӧ) индӧм йылысь ёрдлӧн помшуйӧм (пи (ныв) пыдди босьтысьяслы);

8) военнӧй служба вылӧ призывайтчанин серти военнӧй комиссариатысь справка (тайӧ Пӧрадоклӧн 26 пунктса 5 пунктулын индӧм йӧз серти);

9) йӧзлӧн, кодьяс серти колӧ сетны документъяссӧ (тӧдмӧгьяссӧ), либӧ найӧс оланпас серти петкӧдлысьяслӧн индӧм йӧзлысь аспасьяссӧ обработайтӧм вылӧ сӧгласлун йылысь заявление;

10) гӧтрасьӧм йылысь эскӧдангижӧд либӧ тӧрасян да тӧждысян органлӧн помшуйӧмысь выписка (тайӧ Пӧрадоклӧн 26 пунктса 2 пунктулын индӧм Челядь серти);

11) ёрдлӧн помшуйӧмысь выписка (тайӧ Пӧрадоклӧн 26 пунктса 2 да 3 пунктувьясын индӧм Челядь серти);

12) ёрдлӧн помшуйӧмысь либӧ следственнӧй органъяслӧн шуйӧмысь выписка (тайӧ Пӧрадоклӧн 26 пунктса 4 пунктулын индӧм йӧз серти).

#### 4. Шыӧдчысь вермӧ сетны:

1) тӧдмӧгьяс, кутшӧмьяс эскӧдӧны торья (персонифицируйтӧм) учёт нуӧдан системаын пасйӧмсӧ (шыӧдчысь да кага вылӧ);

2) быдтӧлысса сьӧм мынтӧмсӧ мынтӧм (мынтытӧм) йылысь справка, кутшӧмӧс сетӧма шыӧдчысьлӧн воддза оланін либӧ овланін серти шӧрин (сетӧны сэж, кор вежсьӧма шыӧдчысьлӧн Коми Республика мутасын оланіныс либӧ овланіныс), либӧ Россия Федерациялӧн мӧд субъектын воддза оланін (овланін) серти быдтӧлысса сьӧм мынтӧмсӧ босьттӧм (босьтӧмсӧ дугӧдӧм) йылысь олысьяссӧс социальнӧя дорьян органлӧн справка – йӧзлы, кодьяс воисны Россия Федерациялӧн мукӧд субъектысь;



3) шыёдчыслён да сылён семьяё пырысьяслён татшом чожос йылысь тӧдмӧгъяс:

пенсия да пенсионерьяслы Россия Федерацияса пенсия фондын босьтан мукӧд мынтӧм йылысь;

социальнӧя дорьян органьясын босьтан социальнӧй мынтӧмьяс да пособиеяс йылысь;

уджтӧмалӧм серти пособие да уджтӧмалысь гражданалы олысьясӧс уджӧн могмӧдан органьясын босьтан мукӧд мынтӧм йылысь;

тӧрасьысылы тӧрасьӧм улӧ босьтӧмаӧс видзӧм вылӧ тӧрасян да тӧждысян органьясын сетан сьӧм йылысь;

страхуйтӧм йӧзлы Россия Федерацияса социальнӧя страхуйтан фондӧн мынтан страхӧвӧй мынтӧмьяс йылысь;

предпринимательскӧй удж нуӧдӧмысь чожос йылысь, кутшӧм лоӧ Федеральнӧй вот службалӧн веськӧдлӧм улын;

4) документ (тӧдмӧгъяс), кутшӧм эскӧдӧ шыёдчысылысь да сыкӧд ӧтлаын олысь кагалысь Коми Республика мутасын оланінсӧ (овланінсӧ), кодлӧн чужӧмкӧд йитӧдын артмӧма быдтӧлысь сьӧм мынтӧм вылӧ инӧд (кутшӧм пырӧ канму органьяслӧн либӧ меставывса асвеськӧдлан органьяслӧн веськӧдлӧм улӧ);

5) организацияысь справка, кӧні кага лоӧ канмусянь тырвыйӧ могмӧдӧм вылын (тайӧ Пӧрадоклӧн 26 пунктса 1 пунктулын индӧм челядь серти).

Сэк, кор шыёдчысь ас кӧсйӧм серти абу сетӧма тайӧ пунктын индӧм документьяссӧ (либӧ на пиысь ӧтиӧс), шӧрин либӧ УМШ тайӧ Пӧрадоклӧн 3 пунктын индӧм документьяссӧ шыёдчысьӧн сетан лунсянь 5 календарнӧй лун чӧжӧн корӧ найӧс ведомствокоствса йитчан пӧрадокын канму органьясысь да канму органьяслӧн ведомствоувса организациясын, кодьяслӧн веськӧдлӧм улын лоӧны индӧм документьясыс (тӧдмӧгъясыс) Россия Федерацияса нормативнӧй инӧда актъяс, Коми Республикаса нормативнӧй инӧда актъяс, Россия Федерацияса мукӧд субъектлӧн нормативнӧй инӧда актъяс серти.

5. Быдтöлысса сьöм мынтöмсö индöм да мынтöм могысь сетöны тайö Пöрадоклön 3 да 4 пунктьясын индöм документьяслысь подлинникьяссö (сэк, кор тайö Пöрадоклön 4 пунктын индöм документьяссö сетöма шыödчысьлөн водзмöстчöм серти).

Сэк, кор тайö Пöрадоклön 3 да 4 пунктьясын индöм документьяссö шыödчысь сетöма ачыс (сэк, кор тайö Пöрадоклön 4 пунктын индöм документьяссö сетöма шыödчысьлөн кöсйöм серти), шöрин либö УМШ пасйö индöм документьяссö шыödчысьöн найöс сетан лунö. Тайö Пöрадоклön 3 пунктса 1 – 3, 5, 7, 10 – 12 пунктувьясын да 4 пунктса 1 пунктулын индöм документьяслысь подлинникьяссö (сэк, кор тайö Пöрадоклön 4 пунктын индöм документьяссö сетöма шыödчысьлөн кöсйöм серти), кутшöмьяс вылысь шöринса либö УМШ-са специалист вöчö копияс, бөр сетöны шыödчысьлы документьяс сетан лунö веськыда приём дырйи.

Сэк, кор тайö Пöрадоклön 3 да 4 пунктьясын индöм документьяссö ыстöны шöринö (сэк, кор тайö Пöрадоклön 4 пунктын индöм документьяссö сетöма шыödчысьлөн кöсйöм серти) пошта пыр ыстöмөн либö корреспонденция вайысь мукöд организация пыр, документьяслысь подлинникьяссö оз ыстыны, содтöм документ копияслысь збыльлунсö эскöдöны да заявление вылын кырымпаслысь збыльлунсö эскöдöны федеральнöй оланпастэчасөн урчитöм пöрадокын. Шöринö документьяс сетан лунөн лыддысьсö шöринын найöс пасьян лун. Шöрин пасйö индöм документьяссö шöринö налөн воан лунö.

Документьяс сетан лунö веськыда приём дырйи шыödчысьлы сетöны гижсьöг документьяслысь лыддьöгсö да найöс босьтан кадпассö индöмөн. Сэк, кор тайö Пöрадоклön 3 да 4 пунктьясын индöм документьяссö ыстöны (сэк, кор тайö Пöрадоклön 4 пунктын индöм документьяссö сетöма шыödчысьлөн кöсйöм серти) пошта пыр ыстöмөн, корреспонденция вайысь мукöд организация пыр, гижсьöгсö документьяслысь лыддьöгсö да найöс примитан кадпассö индöмөн гражданинлы ыстöны пошта пыр либö электроннöй документөн заявлениеын индöм электроннöй пошта инпас серти шöринын документьяс пасьян лунсянь 3 уджалан лун чöжөн.

Сэк, кор шыёдчысь сетöма документъяссö УМШ-ö, документъяс да юөр водзö сетан пöрадокыс да кадколастьясыс, кутшöмъяс колöны канму услуга сетöм могысь, урчитсьöны УМШ да Коми Республикаса удж, уджөн могмöдан да социальнöя дорьян министерство костын öтув уджалöм йылысь артмöдчöмөн (водзö – Министерство).

6. Шöрин лöсьöдö быд шыёдчысь серти делö, кытчö пырöны документъяс (документ копияяс), кутшöмъяс колöны быдтöлысья сьöм мынтöмсö индöм да мынтöм (быдтöлысья сьöм мынтöмсö индöмын да мынтöмын öткажитöм) йылысь помшүöм примитöм могысь.

7. Шöрин примитö быдтöлысья сьöм мынтöмсö индöм да мынтöм (индöмын да мынтöмын öткажитöм) йылысь помшүöмсö (тайö Пöрадоклөн 8 пунктса 3 пунктулөн да 9 пунктөн урчитöм аслыспöлöслунъяссö тöд вылö босьтöмөн):

а) тайö Пöрадоклөн 3 да 4 пунктъясын индöм документъяс сетан лунсянь 10 уджалан лун чöжөн (сэк, кор тайö Пöрадоклөн 4 пунктын индöм документъяссö сетöма шыёдчысьлөн кöсйöм серти);

б) шöринлөн либö УМШ-лөн запрос вылö бöрья вочакыв воан лунсянь 5 уджалан лун чöжөн (сэк, кор тайö Пöрадоклөн 4 пунктын индöм документъяссö шыёдчысь ас кöсйöм серти абу сетöма).

Быдтöлысья сьöм мынтöмсö индöм да мынтöм (индöмын да мынтöмын öткажитöм) йылысь помшүöм примитан лунсянь 10 календарнöй лун чöжөн шöрин юөртö бать-мам пиысь öтилы примитöм помшүöм йылысь заявлениеын индöм ногөн, тайö пунктса витöд абзацын индöм случай кындзи. Сэк, кор примитöма быдтöлысья сьöм мынтöмсö индöмын да мынтöмын öткажитöм йылысь помшүöм, гижöны подувъяссö, кутшöмъяс серти татшöм помшүöмсö вöли примитöма.

Сэк, кор бать-мам пиысь öтиыс бöрйöмаöсь примитöм помшүöм йылысь юөртанногсö шöринö либö УМШ-ö асланыс шыёдчöмөн, тайö пунктса медводдза – коймöд абзацъясын индöм кадколастьяс кольöм бöрын шöрин либö УМШ юөртö бать-мам пиысь öтилы примитöм помшүöм йылысь шöринö либö УМШ-ö лöсялöмөн сылөн веськыда шыёдчан лунö.

Сэк, кор бать-мам пиысь өтиыс бөрйөмаось примитөм помшуом йылысь юөртанногсө УМШ-ө асланыс шыөдчөмөн, шөрин сетө (ыстө) УМШ-ө документъяс, кутшөмьяс колөны бать-мам пиысь өтилы примитөм помшуом йылысь юөртөм могысь, УМШ да Министерство костын өтув уджалөм йылысь артмөдчөм серти.

8. Быдтөлысса сьөм мынтөмсө индөмын да мынтөмын өткажитөм йылысь помшуом примитан подувьясыс сыын, мый:

1) «Коми Республикаын челядя семьяслы канмусянь гарантияс йылысь» Коми Республикаса Оланпас, тайө Пөрадок серти быдтөлысса сьөм мынтөм вылө инөдыс абу;

2) тайө Пөрадоклөн 3 пунктын индөм документъяссө абу сетөма либө сетөма абу тырвийө;

3) тайө Пөрадоклөн 3 да 4 пунктъясын индөм сетөм документъясын (сэк, кор тайө Пөрадоклөн 4 пунктын индөм документъяссө сетөма шыөдчыслөн көсийөм серти) эмось абу збыль төдмөгьяс (сы лыдын төдмөгьяс сы йылысь, кымынөдөн чужөма кагаыс, да (либө) кагалөн гражданство йылысь төдмөгьяс, кодлөн чужөмкөд йитөдын артмөма быдтөлысса сьөм мынтөм вылө инөд);

4) быдтөлысса сьөм мынтөмсө босьтыслөн семьялөн өти морт вылө шөркодь чөжөслөн ыждаыс вевтыртө уджавны вермысь йөзлөн овны судзяна сьөмлысь кык пөвста ыждасө, кутшөмөс урчитөма Коми Республикаын быдтөлысса сьөм мынтөмла шыөдчан во водзын мунысь волөн II кварталысь;

5) эмось тайө Пөрадоклөн 15 пунктөн урчитөм лоөмторьяс.

9. Сэк, кор сетөм документъясын эмось өта-мөдлы паныд мунысь төдмөгьяс да (либө) кор документъяслөн сюрөсыс да (либө) найөс оформитөмыс оз лөсявны оланпастэчаслөн корөмьяслы, шөрин прөверитө лөсялөны-ө индөм төдмөгьясыс збыльлуныслы тайө Пөрадоклөн 3 да 4 пунктъясын индөм документъяс сетан лунсянь 5 уджалан лун чөжөн (сэк, кор тайө Пөрадоклөн 4 пунктын индөм документъяссө сетөма шыөдчыслөн көсийөм серти) органьясө да организациясө, кодьяслөн эм колана юөрыс,

запросъяс ыстөмөн. Та дырйи быдтöлысса сьöм мынтöмсö индöм да мынтöм йылысь (индöмын да мынтöмын öткажитöм йылысь) помшуöм примитан кадколастъяссö, кутшöмъясöс индöма тайö Пöрадоклөн 7 пунктын, шöринса директор либö сыөн уполномочитöм морт нюжöдö кадколаст вылö, мыйта колö, медым босьтны коран юөр, но 30 календарнöй лунысь оз дырджык кежлö, мый йылысь бать-мам пиысь öтилы лöсялана запрос (запросъяс) ыстан лунсянь 5 уджалан лун чöжөн юөртöны гижöм уведомление ыстөмөн либö электроннöй документөн заявлениеын индöм электроннöй пошта инпас серти.

Юөр подув вылын, кутшöм эскöдö сетöм тöдмөгъяслысь збыльлунлы лöсявтöмлунсö, индöм юөр босьтан лунсянь 5 уджалан лун чöжөн шöрин примитö быдтöлысса сьöм мынтöмсö индöмын да мынтöмын öткажитöм йылысь помшуöм.

Юөр подув вылын, кутшöм оз эскöд сетöм тöдмөгъяслысь збыльлунлы лöсявтöмлунсö, индöм юөр босьтан лунсянь 5 уджалан лун чöжөн шöрин примитö быдтöлысса сьöм мынтöмсö индöм да мынтöм йылысь помшуöм.

10. Шыödчысылөн эм инöd выль пöв шыödчыны шöринö либö УМШ-ö быдтöлысса сьöм мынтöмсö индöмла да мынтöмла сийöс индöмын да мынтöмын öткажитан подувъяс бырöдöм бöрын, кутшöмъясöс урчитöма тайö Пöрадоклөн 8 пунктөн.

11. Быдтöлысса сьöм мынтöмсö индöны да мынтöны мындаын, мый öтмында олысьяслөн социально-демографическöй группалы - Коми Республикаын челядь - овны судзяна сьöм ыдждакöд, а сідзжö Коми Республикаса торъя вөр-ва да климат зонаяс серти, кутшöмöс быд квартал вынсьödö Коми Республикаса Вескöдлан котыр (водзö – овны судзяна сьöм ыджда).

Сэк, кор оланпастэчасөн урчитöм пöрадокын вежсьö овны судзяна сьöм ыдждаыс, лöсялана периодын быдтöлысса сьöм мынтöмсö арталöны выль пöв.

12. Быдтöлысса сьöм мынтöмсö индöны кагалөн чужан тöлыссянь либö кагаöс пи (ныв) пыдди босьтöм йылысь ёрдлөн помшуöм вынсялан тöлыссянь, шыödчöма кө вöлі кагалөн чужан тöлыссянь либö кагаöс пи (ныв) пыдди

босьтӧм йылысь ёрдлӧн помшуӧм вынсялан тӧлысьянь квайт тӧлысьысь эз сёрджык лӧсялӧмӧн.

Сэк, кор быдтӧлысьясь сьӧм мынтӧмсӧ индӧмла шыӧдчӧны кагалӧн чужан тӧлысьянь либӧ кагаӧс пи (ныв) пыдди босьтӧм йылысь ёрдлӧн помшуӧм вынсялан тӧлысьянь квайт тӧлысь кольӧм бӧрын, быдтӧлысьясь сьӧм мынтӧмсӧ индӧны да мынтӧны кольӧм кадысь, но квайт тӧлысьысь оз дырджык сійӧ тӧлысьӧдзис, кор тайӧ Пӧрадок серти сетӧма заявлениесӧ, сы мындаын, мый ӧтмында лӧсялана периодын, кутшӧмысь индӧны быдтӧлысьясь сьӧм мынтӧмсӧ, овны судзяна сьӧм ыдждакӧд.

Быдтӧлысьясь сьӧм мынтӧмсӧ сетӧны тӧлысьӧдз (сійӧс пыртӧмӧн), кор коймӧд кагалы (водзӧ лосысь челядьлы) тырӧ куим арӧс (сійӧс пыртӧмӧн).

13. Шӧрин вуджӧдӧ (мынтӧ) быдтӧлысьясь сьӧм мынтӧмсӧ бать-мам пиысь ӧтилы быд тӧлысь, ӧнӧя тӧлысьлӧн 25 лунысь оз сёрджык (быдтӧлысьясь сьӧм мынтӧмсӧ медводдзаысь босьтысь бать-мам пиысь ӧтилы – сійӧ тӧлысь бӧрын мунысь тӧлысьлӧн 25 лунысь оз сёрджык, кор быдтӧлысьясь сьӧм мынтӧмсӧ вӧлі индӧма).

14. Шӧрин артмӧдӧ быдтӧлысьясь сьӧм мынтӧмсӧ босьтысьяслысь реестр (водзӧ – реестр).

Реестрсӧ гижӧны ӧтчӧтнӧй периодысь да быд тӧлысь, ӧтчӧтнӧй тӧлысь бӧрын мунысь тӧлысьлӧн 5 лунӧдз кадколастӧ, электроннӧя сетӧны Министерствоӧ dbf-формата файлӧн. Файллӧн расширениеыс - dbf.

Шӧриньясысь воӧм реестрьяс подув вылын Министерство лӧсьӧдӧ да нуӧдӧ Коми Республика серти реестр.

Шӧрин кывкутӧ реестрӧ пыртӧм юӧрлӧн збыльлун вӧсна, а сӧдзжӧ урчитӧм кадколастӧ Министерствоӧ сійӧс сетӧм вӧсна.

15. Быдтӧлысьясь сьӧм мынтӧмсӧ дугӧдӧны мынтыны сійӧ тӧлысьлӧн 1 лунсянь, кутшӧм муно тӧлысь бӧрын, кор лоисны татшӧм лоӧмторьяс:

1) кага, кодлӧн чужӧмкӧд йитӧдын артмӧма быдтӧлысьясь сьӧм мынтӧм вылӧ инӧд, олӧ канму либӧ муниципальнӧй учреждениеын канмусянь тырвуйӧ могмӧдӧм вылын, тӧрасысьлӧн, тӧждысьысьлӧн, приёмнӧй бать-мамлӧн семьяын;

2) шыодчысылысь мырддьома бать-мам инодьяссө либө сійос дзескөдөма бать-мам инодьясын кага серти, кодлөн чужомкөд йитөдын артмөма быдтөлысса сьом мынтөм вылө инөд;

3) шыодчысь да (либө) кага, кодлөн чужомкөд йитөдын артмөма быдтөлысса сьом мынтөм вылө инөд, кувсьома (кувсьомаось), сійос (найос) оланпастэчасөн урчитөм пöрадокын шуома кувсьомаөн либө юөртөг вошөмаөн;

4) шыодчысь да (либө) кага, кодлөн чужомкөд йитөдын артмөма быдтөлысса сьом мынтөм вылө инөд, петөма (петөмаось) Россия Федерацияса гражданствоысь;

5) шыодчысь да (либө) кага, кодлөн чужомкөд йитөдын артмөма быдтөлысса сьом мынтөм вылө инөд, мунөма (мунөмаось) пыр овны Коми Республикалөн суйөр сайө;

6) кагалы, кодлөн чужомкөд йитөдын артмөма быдтөлысса сьом мынтөм вылө инөд, тырөма куим арөс;

7) кага, кодлы индөма быдтөлысса сьом мынтөмсө, олө шыодчыськөд торйөн;

8) шыодчысьос Россия Федерацияса оланпастэчасөн урчитөм пöрадокын шуома кывкутны вермытөмөн либө кывкутөмын дзескөдөмаөн;

9) кагаос, кодос пи (ныв) пыдди босьтөмкөд йитөдын артмөма быдтөлысса сьом мынтөм вылө инөд, пи (ныв) пыдди босьтөмсө Россия Федерацияса оланпастэчасөн урчитөм пöрадокын шыодчысь серти дугдөма.

Сэк, кор эрдөдөма, мый быдтөлысса сьом мынтөмсө босьтысь быдтөлысса сьом мынтөм вылө инөд босьтөм могысь төдөмөн сетөма абу збыль юөр, сійос дугдөны мынтыны тöлыссянь заводитөмөн, кор сійос мынтылісны оланпас торкалөмөн.

Тайө пунктса 2 – 5, 7, 8 пунктувьясөн урчитөм случайясын быдтөлысса сьом мынтөмла тайө Пöрадок серти вермөны шыодчыны кагалөн, кодлөн чужомкөд йитөдын артмөма быдтөлысса сьом мынтөм вылө инөд, бать либө мам пиысь мөдыс.

16. Сэк, кор тайö Пöрадоклön 15 пунктса 1, 2, 4, 5, 7 пунктувьясын индöм лоöмторьясыс вежсьöмаöсь, быдтöлысся сьöм мынтöмсö выльысь индöны сийöс дугöдан тöлыссянь, но тайö Пöрадоклön 3 да 4 пунктьясын индöм заявлениеөн да документьясөн шыödчан тöлыссысь оз водзджык (сэк, кор тайö Пöрадоклön 4 пунктын индöм документьяссö сетöма шыödчысьлön кöсийöм серти).

17. Бать-мам пиысь öтилы, кодi босьтö быдтöлысся сьöм мынтöмсö, сэк, кор лоисны лоöмторьяс, мыйяс вöсна дугöдöны сетны быдтöлысся сьöм мынтöмсö, татшöм лоöмторьяс лоан лунсянь тöлысь чöжөн быть колö гижöмөн юöртны та йылысь шöринö.

18. Случайяс, мыйяс вöсна дугöдöны мынтыны быдтöлысся сьöм мынтöмсö, лоöм йылысь юөр воан лунсянь 3 уджалан лун чöжөн шöрин примитö быдтöлысся сьöм мынтöмсö мынтыны дугдöм йылысь помшүöм, мый йылысь тайö Пöрадоклön 15 пунктса 1, 2, 4, 5, 7 – 9 пунктувьясын индöм случайясын лöсялана помшүöм примитан лунсянь 10 календарнöй лун чöжөн юöртöны шыödчысьлы гижöм уведомлениеөн либö электроннöй документөн заявлениеын индöм электроннöй пошта инпас серти.

19. Быдтöлысся сьöм мынтöм мындасö, мыйта вöли босьтысьлы лишнöй мынтöма сылön мыж вöсна (абу збыль тöдмөгьяса документьяссö тöдöмөн сетöм, мыччöдьяс дзевöм, кутшöмьяс тöдчöны индöм мынтöмсö босьтан инöd вылö), босьтысь ас кöсийöм серти вештö лöсялана уведомление шöринсянь босьтан лунсянь 3 тöлысь чöжөн.

Сэк, кор босьтысь öткажитчö ас кöсийöм серти бергöдны быдтöлысся сьöм мынтöм серти лишнöй мынтöм мындасö, шöрин перйö найöс оланпастэчасөн урчитöм пöрадокын.

20. Быдтöлысся сьöм мынтöм мында вылö районнöй коэффицентсö оз индыны.

21. Быдтöлысся сьöм мынтöм мындасö оз индексируйтны.

22. Быдтöлысся сьöм мынтöм мындаыс, кутшöмöс индöма бать- мам пиысь öтилы да кутшöмöс сийö абу босьтöма кувсьöм вöсна, наследуйтсьö Россия Федерацияса гражданскöй оланпастэчасөн урчитöм пöрадокын.



23. Быдтöлысса сьöм мынтöм сетöмкöд йитчöм рöскодсö сьöмөн могмöдöны лöсялана финансöвöй во вылö Коми Республикаса республиканскöй сьöмкуд сьöм тшöт весьтö да федеральнöй сьöмкуд сьöм тшöт весьтö сьöмөн öтув могмöдан условияс вылын.

Быдтöлысса сьöм мынтöмсö вайöны Коми Республикаса республиканскöй сьöмкуд сьöм тшöт весьтö.

24. Быдтöлысса сьöм мынтöмсö индан да мынтан юалöмьяс серти вензьöмьяссö разьöны оланпастэчасөн урчитöм пöрадокын.

## II. Семьяö пырысьясöс индöм да семьялысь öти морт вылö шöркодь чöжöс ыдждасö арталöм

25. Семьяö пырысьяс лыдö, кодьясöс босьтöны тöд вылö öти морт вылö шöркодь чöжöс ыдждасö арталiгөн, пырöны:

1) гöтрасьöм бать-мам (пи (ныв) пыдди босьтысьяс), сы лыдын торйөн олысь бать-мам (пи (ныв) пыдди босьтысьяс), да накöд öтлаын олысь налөн тыр арлыдтöм челядь;

2) öтлаын олысь бать-мам, кодьяс абу гöтрасьöмаöсь, да накöд öтлаын олысь налөн тыр арлыдтöм челядь, сэк, кор батьөн шуöмсö индöма;

3) öтка бать либö мам (пи (ныв) пыдди босьтысь) да ськöд öтлаын олысь сьлөн тыр арлыдтöм челядь;

4) 23 арöсöдз тыр арлыда челядь, ичиньводз (дядьводз) пиян, ичиньводз (дядьводз) нывьяс, кодьяс абу гöтрасьöмаöсь, кодьяс олöны öтлаын бать-мамкöд (пи (ныв) пыдди босьтысьяскöд) либö бать-мам пиысь öтикöд (пи (ныв) пыдди босьтыськöд, дядькöд, ичинькöд) да кодьяс очнöя велöдчöны велöдан организациясын.

Семьяö пырысьяссö индiгөн, кор бать-мамыс (пи (ныв) пыдди босьтысьясыс) торйöдчöмаöсь, семьяö пырысьяс лыдысь босьтöны тöд вылö либö батьсö, либö мамсö (пи (ныв) пыдди сiйö босьтысьсö), кодкöд öтлаын олö кагаыс.

26. Семьяö пырысьяс лыдö, кодьясöс босьтöны тöд вылö öти морт вылö шöркoдö чöжöс ыдждасö арталiгöн, оз пырны:

1) челядь, кодьяс олöны канмусянь тырвийö мoгмöдöм вылын;

2) 18 арöсöдз челядь, кор найö федеральной оланпастэчас серти лоöны тырвийö кывкутысьясöн;

3) челядь, кодьяс серти бать-мамныслысь мырддьöма бать-мам инöдьяссö либö дзескöдöма найöс бать-мам инöдьясын;

4) йöз, кодьяс вештöны мыжсö вöля мырддьöмöн; йöз, кодьяс серти вöдитчöма стража улö босьтöмöн чиршöдлана мераöн; йöз, кодьясöс ёрдлöн помшuoм серти мырдöн бурöдöны; йöз, кодьясöс корсьöны; йöз, кодьяслысь мырддьöма бать-мам инöдьяссö;

5) верöс (гöтыр) (бать (мам), пи (ныв) пыдди босьтысь), кодi прöйдитö призыв серти военной службасö сержантöн, старшинаöн, салдатöн либö матросöн либö кодi велöдчö военной уджсикасö велöдан организацияын либö вылыс тшупöда велöдан военной организациясын военной служба прöйдитöм йылысь контракт кырымавтöдз.

27. Быдтöлысьяс сьöм мынтöмсö индöм могысь семьялысь öти морт вылö шöркoдö чöжöс ыдждасö арталöны семьяö пырысьяс йылысь тöдмөгьяс да шыöдчысьлöн да семьяö став пырысьлöн чöжöс йылысь справкаяс (тöдмөгьяс) подув вылын.

28. Сэк, кор арталöны быдтöлысьяс сьöм мынтöмсö индöм могысь семьялысь öти морт вылö шöркoдö чöжöс ыдждасö, арталöны семьялысь татшöм чöжöс, кутшöмöс босьтöма сьöмöн:

1) Россия Федерацияын удж серти либö мукöд кывкутана мoг збыльмöдöмысь ошкана сьöм, сы лыдын компенсируйтан да ышöдан сьама мынтöмьяс пыртöмöн, вöчöм уджысь, сетöм услугаысь, вöчöмтор вöчöмысь ошкана сьöм. Та дырйи директорьясöс ошкана сьöмыс да мукöд татшöм жö мынтöмыс, кутшöмьясöс босьтöны организацияөн веськöдлан органö (директорьяслöн сöветö либö татшöм жö мöд органö) – Россия Федерацияса вот резидентö пырысьяс, кодлöн меститчанiнöн (веськöдланiнöн) лоö Россия Федерация, видлавсьöны кыдзи чöжöс, кутшöмöс босьтöма Россия

Федерацияын өшмөсьясысь, места вылө видзөдтөг, кöні збыльвылас пöртсьöмаöсь олöмö тайö йöз водзын сувтöдöм веськöдлан кывкутана могьясыс либö кытысь вöлі мынтöма индöм ошкана сьöмсö;

2) пенсияяс, пособиеяс, стипендияяс да мукöд татшöм жö мынтöм, кутшöмьясöс гражданин босьтöма Россия Федерацияса оланпастэчас да (либö) Коми Республикаса оланпастэчас, да (либö) Россия Федерацияса мöд субъектлөн оланпастэчас серти либö кутшöмьясöс босьтöма суйöрсайса организациясянь сукöд йитöдын, мый сылөн торья юкöдув уджалö Россия Федерацияын;

3) страхуйтöм йöзлысь, кодьяс кувсьöмаöсь, инöд босьтысяслы мынтöмьяс пенсионнöя быть страхуйтöм йылысь Россия Федерацияса оланпастэчасөн урчитöм случайясын;

4) компенсация, кутшöмöс мынтöма канму органөн либö öтйöза öтулөн канму либö öтйöза кывкутана могьяс збыльмöдан кадысь;

5) военнотружачöйясöс, Россия Федерациялөн пытшкöс делöяс органьясса, уголовнöй мыж вештан системалөн учреждениеясса да органьясса, Россия Федерациялөн мырдөн олöмö пöртан органьясса, Россия Федерациялөн таможеннöй органьясса да мукöд органын уджалысьяслөн сьöм довольствие (сьöмөн видзöм), кöні Россия Федерацияса оланпастэчасөн урчитöма федеральнöй канму служба прöйдитöмсö, кутшöм йитчöма инöд видзан уджкöд, а сідзжö содтöд мынтöмьяс, кутшöмьясöс пыр мынтöны, да сёян-юанөн могмöдöм (сёян-юан паёк пыдди сьöмөн компенсация), кутшöмьясöс урчитöма Россия Федерацияса оланпастэчасөн;

6) тыр арлыдтöм челядь вылö босьтан алиментьяс.

29. Öти морт вылö шöркодь чöжöс ыдждасö арталігөн семьялөн чöжöсын тöд вылö оз босьтны:

1) федеральнöй да дінму материнскöй (семейнöй) капиталысь сьöмсö;

2) öтчыдысь материальнöй öтсöг сетан мындасö, кутшöмöс мынтöны федеральнöй сьöмкуд, Коми Республикаса республиканскöй сьöмкуд, Россия Федерацияса мукöд субъектлөн сьöмкуд, меставывса сьöмкудьяс да мукöд

өшмөс тшөт весьтө ускөттөкөд либө мукөд виччысьтөмторкөд йитөдын, а сідзжө террористическөй акткөд йитөдын;

3) алиментьяс, кутшөмьясөс мынтө баты либө мам тыр арлыдтөм челядьөс видзөм вылө, кодьяс оз овны тайө семьяын;

4) индөм, но збыльвылас мынтытөм удждон (ошкана сьөм, сьөмөн видзөм), сьөм довольствие да мукөд мынтөм, кутшөмьясөс урчитөма тайө Пөрадокөн.

30. Удж серти либө мукөд кывкутана мог збыльмөдөмысь сьөмөн ошкан мындасө, сы лыдын компенсуйтан да ышөдан сяма мынтөмьяссө, кутшөмөс урчитөма уджысь мынтысян системаөн да кутшөмөс мынтөны төлысьысь уджлөн бөртасьяс серти, босьтөны арталөны чөжөсын сийөс збыльвылас босьтан төлысьө, кутшөм веськалө рөштшөт нуөдан периодө.

31. Сэк, кор удждон, сы лыдын компенсуйтан да ышөдан сяма мынтөмьяс, арталан да мынтан урчитөм кадколастьясыс мөдөсь, босьтөм удждон мындасө, сы лыдын компенсуйтан да ышөдан сяма мынтөм мындасө, юклөны төлысь лыд вылө, кутшөмьясысь сийөс индөма, да арталөны семьялөн чөжөсын сийө төлысьясысь, кутшөмьяс веськалөны рөштшөт нуөдан периодө.

32. Гражданскөй-инөда сөрнитчөмьяс збыльмөдөмысь босьтөм чөжөс мындасө, а сідзжө предпринимательскөй да мукөд уджысь чөжөс мындасө юклөны төлысь лыд вылө, кутшөмьясысь сийөс индөма (босьтөма), да арталөны семьялөн чөжөсын сийө төлысьясысь, кутшөмьяс веськалөны рөштшөт нуөдан периодө.

33. Семьяө быд пырысьлысь чөжөссө босьтөны төд вылө Россия Федерацияса оланпастэчас серти вот чинтытөдз.

34. Семьялысь чөжөссө, кутшөмөс босьтөны суйөрсайса валютаын, выльысь арталөны шайтьясын Россия Федерацияса шөр банклөн курс серти, кутшөмөс урчитөма тайө чөжөс збыльвылас босьтан кадпас вылө.

35. Шөрин примитө ашөр уджалысьясысь наөн бөрийөм вот перьян система серти документьяс сы могысь, медым эскөдны наөн босьтөм чөжөссө.

Вот да өктас урчитан быдөнлы өткодь условиеясөн да вот перьян кокньөдөм системаөн вөдитчигөн сетöны вот органөн эскөдөм вот декларациялысь копиясö.

Сэк, кор вот мынтан периодыс абу кольöма, сетöны асшөр уджалысьлөн чöжөслысь да рөскодлысь да овмөс нуөдан операцияслысь учёт нуөдан небөгсö бумага вылын.

Торья удж сикас серти виччысына чöжөс вылө өтувья вотөн вот перьян системаөн вөдитчигөн сетöны вот органөн эскөдөм вот декларациялысь копиясö.

36. Быдтöлысья сьöm мынтöмсö индигөн семьялысь öти морт вылө шөркодь чöжөссö арталöны семьяö став пырысьлөн бөрья 12 календарнöй тöлысьысь чöжөс мында серти (сы лыдын сэк, кор сетöны семьяö пырысьяслөн 12 календарнöй тöлысьысь абу этшаджык периодысь чöжөс йылысь тöдмөгьяссö), кутшöмьяс мунöны индөм мынтöмсö индөм йылысь заявление сетан тöлысь водзын, семьяö став пырысьлысь рöштшöt нуөдан периодысь чöжөс мындалысь öти дас кыкөд пайсö семьяö пырысьяслөн лыд вылө юкөмөн.».

Лыткин

Пас лыд 31327